

[Augsburg], 24. September 1564

An [Christoph Gugel d. J.?]

Druck: Murr, Anmerkungen S. 66f. (Auszug); Murr, Memorabilia, Bd. 3, S. 169f. (ebenso).

Etc. etc. D. Villingerus, Suidae patronus liberalis, visus mihi est ambire dedicationem Isocratis; quem typographiae nunc adorno. Cum autem superioribus annis ex te intellexerim graecolatinam dedicationem, quae est edita 1553. quo eodem etiam Parisiensis prodiit, cum fastidio repudiatam fuisse, (ne gratiae certe quidem ab vlo mihi actae sunt) animi pendeo, sitne vetus praefatio relinquenda, an nulla prorsus addenda, an lucelli aliquid ex dedicatione Villingeriana captandum? Totum opus pene nouum erit, et accendent eomentarioli, et in praefacione honorifica etiam veterum patronorum, qui opportuno sane tempore 100. Ioachimicis, annis abhinc sedecim me donarunt, fieri mentio poterit. Etsi opibus non abundo: quiduis tamen mallem, quam vel existimatione meae parum consuluisse videri, vel veteres patronos offendere. Sed si hi chartacea munera ad se delata aspernantur, non succensere debent aliam excutienti querum. Tu velim tentabis per occasionem eorum, qui ista curant, (si qui forte curant) voluntates, in quo prudentiae tuae nihil praescribo, (facile enim curabis ne ista exploratio fraudi nobis sit) meque consilio iuues, cui omnino obtemperabo. Iterum vale.